

ЭРДЭНЭ РЕСУРС ХУВЬЦАА ЭЗЭМШИГЧДИЙН ЭЭЛЖИТ ХУРЛЫН ҮЕЭР ВЕБКАСТ ХИЙНЭ

Хэвлэлийн Мэдээ

Нова Скошиа, Халифакс хот
2019.06.18

Эрдэнэ Ресурс Девелопмент Корпораци (TSX:ERD | MSE:ERDN) (цаашид “Эрдэнэ Ресурс” эсвэл “Компани” гэх) нь хувьцаа эзэмшигчид болон хөрөнгө оруулагчдаа Атлантын зуны цагаар 2019 оны 6-р сарын 20-ны өдрийн 17:00 цагт Канад улсын Нова Скошиа мужийн Халифакс хотын Пурдис Варф Тауэр (“Purdy’s Wharf Tower”)–т зохион байгуулагдах хувьцаа эзэмшигчдийн ээлжит хуралд хүрэлцэн ирж, компанийн ТУЗ болон удирдлагатай хийх хуралд урьж байна. Хувьцаа эзэмшигчдийн ээлжит хурал нь компанийн танилцуулга болон оройн хүлээн авалтаар үргэлжилнэ. Хуралд биечлэн оролцох боломжгүй хувьцаа эзэмшигчид болон хөрөнгө оруулагчид нь компанийн www.erdene.com вебсайт дээр байрлах линкээр дамжуулан вебкастыг сонсох боломжтой.

Компанийн танилцуулгад төсөл хөгжүүлэлт, хайгуулын хөтөлбөр, болон бусад шинэ санаачлагуудын талаар танилцуулах бөгөөд үүнд:

- Хөндий Алтны Төслийн урьдчилсан ТЭЗҮ-ийн үйл явцын тухай
- 5.9 г/т алтны агуулга бүхий 112 метрийн интервал огтолсон өрөмдлөгийн хөтөлбөрийн үр дүнгүүд
- Хөндий Алтны Дүүрэг дэх ирээдүйн хайгуулын боломжууд зэрэг мэдээллүүд багтана.

Эрдэнэ Ресурсийн гүйцэтгэх захирал Петер Акерли хэлэхдээ: “Өнгөрсөн нэг жилийн хугацаа нь Эрдэнэ Ресурсийн хувьд хамгийн үр ашигтай, амжилттай жил болж өнгөрлөө. Бид Хөндий Алтны Төслийг дэлхийн хамгийн өндөр агуулга бүхий илээр олборлох боломжтой алтны төслүүдийн нэг гэдгийг тогтоосноор хөрөнгө оруулалтын өгөөжөөр салбартаа тэргүүлэх боломжтой болж байна. 3-р сард урьдчилсан ТЭЗҮ-г боловсруулж эхэлсэнээр төслийн хөгжүүлэлтийн үйл ажиллагаа улам хурдасч байна.”

“Хөндий Алтны Төсөл маань дэлхийн томоохон алтны бүсүүдийн нэгт, урьд нь геологийн эрэл хайгуул хязгаарлагдмал хийгдсэн нутагт оршдог. Манай техникийн багийн туршлага, мэдлэгт тулгуурлан энэхүү бүсэд шинэ нээлтүүдийг нээн илрүүлэх боломжтой. Бид өрөмдлөгийн үр дүнгүүдэд тулгуурлан нөөцийг тэлэх боломжуудыг судлан ажиллаж байна.”

Хөндий Алтны Төслийн тухай

Эрдэнэ Ресурсийн ордууд нь дэлхийн томоохон алт, алт-зэсийн ордуудыг агуулагч Төв Азийн Орогены бүсэд багтдаг Эдрэнгийн террейнд байрладаг. Эрдэнэ Ресурс нь Монгол улсын баруун өмнөд хэсэгт 10 гаруй жил хайгуул судалгааг хийн, өдгөө Хөндий алтны дүүргийг нээн илрүүлээд байна. Хөндий алтны дүүрэг нь өндөр агуулга бүхий алт, полиметаллын хэд хэдэн хэтийн төлөвт талбайг хамардгаас хоорондоо 16 км зайд орших Баян Хөндий, Алтан Нар ордуудыг ашиглалтын шатанд хүртэл хөгжүүлэхээр зорьж байна. Эдгээр ордуудыг хамтад нь Хөндий Алтны Төсөл (“Төсөл”) хэмээн нэрлэдэг.

Компани нь 2018 оны 3-р улиралд Төслийн анхан шатны нөөцийн тооцооллыг тайлагнасан бөгөөд энэхүү тайланд 2.3 г/т алтны дундаж агуулга бүхий 10.1 сая тонн (“Mt”) хүдэрт 751,000 унц алтны бодит нөөц (Хүснэгт 1-ээс харна уу) тогтоогдсон. 2019 оны 2-р сарын 4-нд танилцуулсан Анхан Шатны Эдийн Засгийн

Тооцоололд (“АШЭЗТ”): Алтны үнийг \$1200/унц гэж төсөөлөхөд татварын дараах өнөөгийн үнэ цэн нь (5% хоргодуулалтаар) (“NPV5%”) 99 сая ам.доллар, дотоод өгөөжийн хувь (“IRR”) нь 56% байсан. Мөн тооцооллоор 8 жилийн турш 3.42 г/т дундаж алтны агуулга бүхий хүдрээс жилд дунджаар 51,200 унц алт үйлдвэрлэх боломжтой уурхайг төлөвлөсөн. Дээрх төлөвлөгөө нь төслийн үнэ цэнийн суурь бөгөөд цаашид хүдрийн биетийг тэлэх, нэмэлт нээлт хийх хэтийн төлөвтэй бүсүүд хайгуулын тусгай зөвшөөрөл бүхий талбайд багтдаг нь ирээдүйн өсөлтийн гол хүчин зүйл юм.

Хүснэгт 1 – Хөндий Алтны Төслийн нөөцийн мэдээлэл

Захын агуулга	Нөөцийн тодруулга	Хэмжээ (сая тонн)	Агуулга(Au г/т)	Алт(унц)
Хөндлөнгийн зөвлөгөө ⁽¹⁾	Баттай	1.4	3.6	161,000
	Бодит	8.7	2.1	590,000
	Баттай & Бодит	10.1	2.3	751,000
	Боломжит	5.2	1.8	291,000

(1) RPMGlobal нь Баян Хөндийн ил уурхайн нөөцийг 0.6 г/т, Алтан Нарын ил уурхайн нөөцийг 0.7 г/т харин ил уурхайгаас доош орших нөөцийн захын агуулгыг 1.4 г/т-оор тооцоолохыг зөвлөсөн.

Анхан шатны эдийн засгийн тооцоолол нь урьдчилсан таамаглал бөгөөд зарим тооцоолол нь боломжит нөөц дээр тулгуурласан болно. Боломжит нөөц нь урьдчилсан болон эцсийн техник, эдийн засгийн тооцоололд багтаахад геологи, эдийн засгийн хувьд эрсдэл өндөртэй. Ашигт малтмалын геологийн нөөцийг ашиглалтын нөөц гэж үзэхгүй бөгөөд эдийн засгийн ач холбогдолтой гэдгийг нь харуулах баталгаа байхгүй боловч эдийн засгийн үр ашигтайгаар олборлох боломжийн хэтийн төлөвтэй гэж ойлгоно. Анхан шатны эдийн засгийн тооцооллын тайлантай SEDAR дахь компанийн хуудасны “NI 43-101 Technical Report for the Preliminary Economic Assessment of the Khundii Gold Project” файлаар танилцана уу.

Петер Далтон (Peter Dalton, P.Geо) нь Компанийн ахлах геологич (Nova Scotia) бөгөөд NI 43-101-т заасан мэргэшсэн этгээд юм, тэрээр энэхүү хэвлэлийн мэдээний техникийн мэдээллийг хянан баталгаажуулсан болно.

Компанийн тухай

Эрдэнэ Ресурс Девелопмент Корпораци нь Монгол улсад суурь болон үнэт металлын хайгуул, төсөл хөгжүүлэлтийн үйл ажиллагаа эрхэлдэг Канад улсад бүртгэлтэй хайгуулын компани юм. Компани нь Монгол улсын баруун урд бүсэд хайгуул хийх эрх бүхий 4 хайгуулын, 1 ашиглалтын тусгай зөвшөөрлийг эзэмшдэг бөгөөд эдгээр хайгуулын бүсэд хийсэн судалгааны үр дүнд Хөндий Алтны Дүүргийг нээн илрүүлсэн. Эрдэнэ Ресурс Девелопмент Корпораци нь Торонто болон Монголын хөрөнгийн биржүүд дээр бүртгэлтэй. Компанийн тухай дэлгэрэнгүй мэдээллийг Компанийн вебсайт www.erdene.com-оос авч танилцах боломжтой. Компанийн талаарх чухал мэдээллүүд нь зөвхөн Компанийн вебсайтаар дамжин хүрдэг тул хөрөнгө оруулагчид вебсайтаар дамжуулан бодит мэдээллийг авахыг зөвлөж байна.

Урьдчилсан таамаглал

Зарим мэдээллүүд нь Үнэт цаасны хуулийн хүрээнд урьдчилсан таамаглалуудыг агуулсан болохыг үүгээр мэдэгдэж байна. Урьдчилсан таамаглал нь урьд болж байсан болон ирээдүйд болох бодит баримт биш ба зөвхөн ирээдүйн төлөвлөгөө, стратеги, төсөл, нөхцөл байдалд тулгуурласан үзэл баримтлал, магадлал болон таамаглал болно. Энэхүү таамаглалууд нь тодорхой үндэслэлд тулгуурласан боловч баталгаа биш юм. Компанийн үйл ажиллагаа нь олон хүчин зүйлээс шалтгаалах бөгөөд зарим хүчин зүйлс нь Компанийн хяналтаас давсан байх магадлалтай ирээдүйд учирч болох хүчин зүйлс юм. Материаллаг өөрчлөлт үзүүлэх боломжтой хүчин зүйлсэд эрдсийн зах зээлийн үнэ, хайгуулын үр дүнгүүд, бизнесийн болон зах зээлийн орчин, эдийн засгийн байдал болон санхүүжилт, хөрөнгө босголт зэрэг орно. Дээр дурдсан мэдээллүүд нь

ирээдүйд өөрчлөгдөн хувирах магадлалтай. Компани нь Үнэт цаасны хуульд өөрөөр заагаагүй тохиолдолд Урьдчилсан таамаглалыг өөрчлөн, шинэчлэх үүрэг хүлээхгүй.

ЭНЭХҮҮ МЭДЭЭЛЛИЙГ ОЛОН НИЙТЭД ТАНИЛЦУУЛАХАД ЯМАРВАА НЭГЭН ЗАСАГ ЗАХИРГААНЫ БАЙГУУЛЛАГА ЗӨВШӨӨРСӨН, ҮЛ ЗӨВШӨӨРСӨН МЭДЭГДЭЛ ХИЙГЭЭГҮЙ.

Холбоо барих:

Петер К. Акерли, Ерөнхийлөгч болон Гүйцэтгэх захирал

Роберт Женкинс, Санхүү хариуцсан захирал

Утас: (902) 423-6419

Twitter: <https://twitter.com/ErdeneRes>

Facebook: <https://www.facebook.com/ErdeneResource>

LinkedIn: <https://www.linkedin.com/company/erdene-resource-development-corp-/>

YouTube: <https://www.youtube.com/channel/UCILs5s9j3SLmya9vo2-KXoA>